

|                                                                                                       |                |                 |
|-------------------------------------------------------------------------------------------------------|----------------|-----------------|
| <br>XUNTA DE GALICIA | PLAN CAMGAL    | Capítulo        |
|                                                                                                       | Implementación | VI<br>Versión 0 |

Tras a aprobación do Plan CAMGAL, a dirección do mesmo promoverá as actuacións necesarias para a súa implementación e mantemento co fin de posibilitar o desenvolvemento e operatividade do mesmo en todo seu ámbito. Neste senso, a dirección fomentará a dotación de medios e recursos adscritos ao Plan, a elaboración dun programa de formación e adestramento do persoal involucrado na resposta e a implantación, difusión e información dos contidos do Plan cara aos organismos e entidades participantes.

## 1. CATÁLOGO DE MEDIOS E RECURSOS ADSCRITOS AO PLAN CAMGAL

Os medios e recursos adscritos ao Plan CAMGAL están recollidos no Catálogo descrito no Anexo VI.1 o cal constitúe a base dos elementos dispoñibles para a atención das continxencias por contaminación mariña accidental da Comunidade Autónoma de Galicia. O Catálogo é un medio dinámico e flexible con capacidade para prestar o apoio necesario ao CECOP en situacións de emerxencia en calquera nivel. No Catálogo recóllense tódolos recursos humanos e materiais tanto de carácter móbil como de carácter fixo que permiten afrontar con maior axilidade as tarefas de resposta ante un episodio de contaminación mariña accidental. O mantemento e a actualización do Catálogo é responsabilidade da Consellería con competencias na materia de loita contra a contaminación mariña a cal, poderá facilitar o acceso aos datos daqueles servizos de carácter público cuxo coñecemento sexa necesario para a xestión das posibles continxencias.

Así mesmo, a dirección do Plan CAMGAL encargará a revisión periódica do material e dos equipos adscritos ao mesmo para avaliar o estado do material e a súa adecuación tecnolóxica.

### 1.1. Medios e recursos propios adscritos ao grupo de resposta no mar

Os grupos operativos de resposta no mar teñen adscritos especificamente todos os medios de loita contra a contaminación mariña accidental dos que dispón a Consellería

|                                                                                                       |                |                 |
|-------------------------------------------------------------------------------------------------------|----------------|-----------------|
| <br>XUNTA DE GALICIA | PLAN CAMGAL    | Capítulo        |
|                                                                                                       | Implementación | VI<br>Versión 0 |

do Medio Rural e do Mar, entre os que cabe destacar os adscritos á Subdirección Xeral de Gardacostas de Galicia, Portos de Galicia e INTECMAR.

A base loxística de loita contra a contaminación mariña situada no Porto de Tragove constitúe o centro activo de almacenamento de equipos de resposta no mar, establecido co fin de proporcionar unha utilización racional dos medios materiais existentes para a loita contra a contaminación mariña accidental e facilitar o mantemento destes.

Dotarase de material de loita contra a contaminación mariña no mar a distintos portos de interese da Comunidade Autónoma de Galicia, o cal localizarase en contedores ou noutras instalacións físicas que se dispoñan para estes efectos.

### **1.2. Medios e recursos propios adscritos ao grupo de resposta en terra**

Os grupos operativos de resposta en terra teñen adscritos especificamente todos os medios de loita contra a contaminación accidental dos que dispón a Consellería de Medio Ambiente, Territorio e Infraestruturas entre os que cabe destacar os adscritos á Subdirección Xeral de Calidade Ambiental e máis a Subdirección Xeral de Dominio Público Hidráulico.

### **1.3. Medios e recursos adicionais**

En función da natureza e gravidade da continxencia, os grupos de resposta poderán contar con medios e recursos adicionais entre os que se encontran:

- persoal e medios das empresas que manteñan coa Administración galega un contrato de prestación de servizos para os traballos de loita contra a contaminación
- os medios adscritos ao Ministerio de Fomento segundo o descrito no convenio asinado na materia de salvamento marítimo, loita contra a contaminación mariña e seguridade no ámbito pesqueiro
- os medios adscritos aos concellos segundo o descrito no seus Plans Locais de continxencias

|                                                                                                       |                |                 |
|-------------------------------------------------------------------------------------------------------|----------------|-----------------|
| <br>XUNTA DE GALICIA | PLAN CAMGAL    | Capítulo        |
|                                                                                                       | Implementación | VI<br>Versión 0 |

- os medios dos que dispoñan os profesionais do mar segundo o descrito na guía recollida no Anexo V.3.
- as persoas voluntarias nas tarefas de limpeza segundo o descrito na guía recollida no Anexo V.4.
- outros medios que se estimen oportunos nas tarefas de resposta

## 2. FORMACIÓN

A formación do persoal implicado no Plan deberá ser un labor continuado. A dirección do Plan asegurase de que os distintos integrantes na resposta teñen a formación necesaria para facer fronte as emerxencias. A formación contemplará a difusión cara os interesados, da estrutura e funcións dos órganos de dirección e de coordinación definidos no Plan. No caso dos grupos de resposta no mar e en terra, serán os/as coordinadores/as de operacións os encargados da difusión e adestramento dos seus grupos nos procedementos contemplados no Plan.

A dirección do Plan revisará anualmente as necesidades de formación do persoal e fomentará a participación do persoal involucrado no Plan en cursos de formación e adestramento co obxectivo final de familiarizarse con o manexo de equipos, técnicas e protocolos de resposta ante emerxencias de contaminación mariña accidental.

## 3. ADESTRAMENTO

A proba final do Plan CAMGAL mídese durante unha emerxencia real, polo tanto, a súa implementación debe de incluír un programa de adestramento continuo para probalo con exercicios reais. Este programa de exercicios debe preparar progresivamente aos grupos de resposta para executar eficientemente exercicios reais de todos os riscos contemplados no Plan de Continxencias e poñer en proba o plan, os equipos e os medios dispoñibles.

|                                                                                                       |                |                 |
|-------------------------------------------------------------------------------------------------------|----------------|-----------------|
| <br>XUNTA DE GALICIA | PLAN CAMGAL    | Capítulo        |
|                                                                                                       | Implementación | VI<br>Versión 0 |

### 3.1. Modalidades de exercicios

Co obxectivo de cubrir todos os aspectos operativos da intervención nas continxencias, así como adestrar a todo o persoal involucrado na resposta para que no momento da crise os protocolos de actuación sexan coñecidos e de fácil aplicación, o Plan CAMGAL contempla distintos tipos de exercicios. As diferentes modalidades están baseadas nas recomendacións da Organización Marítima Internacional e inclúen actividades con distinto grao de complexidade e interacción que permiten por en práctica os diversos aspectos do Plan por separado e axuda á comprensión dos propósitos e alcance do Plan no seu conxunto.

#### 3.1.1. Exercicios de notificación

Son aqueles deseñados para poñer a proba os procedementos de alerta e mobilización dos equipos humanos e materiais involucrados na resposta. Estes exercicios levaranse a cabo por teléfono, Fax, correo electrónico ou calquera outro medio telemática. Serven para testar os sistemas de comunicación, comprobar a dispoñibilidade do persoal e avaliar as opcións e posibilidade do transporte de equipos, así como a capacidade de transmitir información de forma rápida e precisa no momento da incidencia.

A duración dos exercicios non superará as dúas horas e faranse de día ou de noite, con o sen previo aviso.

#### 3.1.2. Exercicios de escritorio

Son aqueles que se desenrolan nun entorno figurado sobre un caso ficticio. O obxectivo principal é o de intercambiar opinións entre os distintos membros do CECOP e non é necesaria a mobilización de equipos. Levaranse a cabo nunha sala ou en varias conectadas telemáticamente entre si.

Os exercicios centraranse nas funcións e accións encomendadas aos distintos equipos e nas interaccións entre as distintas partes involucradas na resposta así como na análise das diferentes estratexias de resposta en función do suposto e da zona na que tería lugar. A complexidade do exercicio dependerá do suposto e do número de grupos

|                                                                                                       |                |                 |
|-------------------------------------------------------------------------------------------------------|----------------|-----------------|
| <br>XUNTA DE GALICIA | PLAN CAMGAL    | Capítulo        |
|                                                                                                       | Implementación | VI<br>Versión 0 |

involucrados no mesmo, podéndose planificar a participación de asesores externos no mesmo.

A duración destes exercicios pode variar dende dúas a oito horas e deberán estar previstos con suficiente antelación para asegurar a maior dispoñibilidade posible do persoal.

### **3.1.3. Exercicios de despregue de equipos**

A función principal destes exercicios é a de asegurar a correcta utilización dos equipos de loita contra a contaminación por parte do persoal involucrado na resposta de acordo coas estratexias fixadas para as distintas situacións. Os exercicios enfocaranse para reforzar as habilidades individuais e de equipo.

A duración destes exercicios pode variar dende as catro ás oito horas.

### **3.1.4. Exercicios de xestión do incidente**

Estes exercicios son os de maior complexidade no senso de que simulan diversos aspectos dun incidente e polo tanto requiren dunha planificación importante no que se refire a dispoñibilidade de persoal, escolla do escenario e materiais necesarios para simular os feitos. Poden ser de alcance limitado cando se emprega só persoal propio do Plan CAMGAL, ou de gran alcance cando se invita a participantes alleos ao propio Plan CAMGAL que nas situacións reais tamén poderían estar involucrados.

A duración destes exercicios pode alcanzar os dous días e debido a súa complexidade é recomendable constituír un comité de dirección do mesmo.

## **3.2. Programa de adestramento**

Anualmente a dirección do Plan elaborará un programa de adestramento con exercicios que teñan en conta os distintos escenarios posibles e que no prazo de vixencia do Plan sexan incluídas todas ás zonas do alcance territorial descrito no Capítulo I.

O programa de adestramento será de obrigado cumprimento para o persoal involucrado na estrutura organizativa do Plan e fomentará a participación dos medios

|                                                                                                       |                |                 |
|-------------------------------------------------------------------------------------------------------|----------------|-----------------|
| <br>XUNTA DE GALICIA | PLAN CAMGAL    | Capítulo        |
|                                                                                                       | Implementación | VI<br>Versión 0 |

adicionais descritos no punto 1.3 como é o caso do voluntariado provinte do sector profesional do mar.

A dirección do Plan informará do programa de exercicios anual ao persoal involucrado na resposta. Así mesmo, escollerá un o varios responsables da coordinación dos mesmos.

### **3.2.1. Periodicidade dos exercicios:**

O programa de exercicios anual do Plan debe contemplar a lo menos:

- 2 exercicios de notificación
- 2 exercicios de escritorio
- 4 exercicios de despregue de equipos
- 1 exercicio de xestión do incidente.

Así mesmo, poderanse realizar exercicios conxuntos de diferentes modalidades o que aumenta a complexidade e realismo.

### **3.2.2. Avaliación dos exercicios**

A dirección do Plan asegurarse da elaboración por parte dos responsables da coordinación dos exercicios dun informe no que se recollan a lo menos:

- as actuacións e os resultados obtidos durante o exercicio
- avaliación da eficacia dos protocolos de resposta a emerxencia testados durante o exercicio
- proposta de modificacións, se proceden a incorporar nas actualizacións e revisións do Plan

## **4. IMPLANTACIÓN, DIFUSIÓN E INFORMACIÓN**

Co fin de facilitar a implantación e dar difusión e información do Plan CAMGAL, a dirección do mesmo promoverá actuacións tales como:

|                                                                                                       |                       |                 |
|-------------------------------------------------------------------------------------------------------|-----------------------|-----------------|
| <br>XUNTA DE GALICIA | <b>PLAN CAMGAL</b>    | Capítulo        |
|                                                                                                       | <b>Implementación</b> | VI<br>Versión 0 |

Establecer os protocolos, convenios ou acordos necesarios cos organismos e entidades participantes, tanto para concretar as actuacións como para asignar medios ou asistencias técnicas

- Asegurar a designación e nomeamento dos compoñentes do Comité de Dirección, do Comité Técnico Asesor, dos grupos operativos de resposta e das unidades de apoio, así como determinar os sistemas para a súa localización.
- Comprobar a dispoñibilidade dos medios e recursos adscritos ao Plan.
- Asegurarse que os contidos do Plan son coñecidos por todo o persoal involucrado no mesmo.
- Realizar campañas de información e divulgación as entidades locais, asociacións de profesionais e organizacións afectadas polo Plan.
- Elaborar programas de colaboración cos concellos costeiros co fin de proporcionar os datos básicos necesarios para un adecuado desenvolvemento dos Plans locais.
- Garantir que os procedementos de organización e actuación previstos no Plan sexan operativos, adoptando as modificacións necesarias.

## 5. RECURSOS FINANCEIROS

O Plan CAMGAL financiarase mediante a aplicación dos seguintes recursos:

- As dotacións previstas para este fin nos orzamentos xerais da Comunidade Autónoma de Galicia.
- Os fondos e transferencias que por razóns de auxilio e urxente necesidade poidan ser achegados polas administracións públicas.